

ბურჟუაზიული ეკონომიკა ფეხბურთში დიდარნი და პდიდარნი ევროპას თაბაზისა და ცხომრების კლასით ახარისხებენ



ადრე თუ გვიან — იდეის ავტორებს იმედი აქვთ, რომ ადრე — ევროპას ერთიანი პროფლიგა ეყოლება, რომელიც ბრიუსელიდან გააკონტროლებს ეროვნულ ჩემპიონატებს.

ამ დიდმნიშვნელოვანი პროექტის თაობაზე გერმანიის საფეხბურთო ლიგის მმართველმა დირექტორმა ვილფრედ შტაუბმა განაცხადა.

პროექტის უკან დგანან ევროპის 15 ქვეყნის პროფესიული ლიგები და, რაც მთავარია, მათ შორის არიან ინგლისის, იტალიის, გერმანიის, ესპანეთის და საფრანგეთის ჩემპიონატთა მომწყობი ორგანიზაციები. ამ ბოლოლათა საქმე კი ასეა: რამეს თუ ჩაიფიქრებენ, ასრულებენ კიდევ.

ერთიანი პროფლიგის დაარსების მიზანი კი ის გახლავთ, რომ

უეფამ და ფიფამ უფრო მეტად გაითვალისწინონ ეროვნული პროფლიგების და მაშასადამე, კლუბების ინტერესები.

და რაკი კლუბები ვახსენეთ, ისიც ვთქვათ, რომ ერთიანი პროფლიგის შექმნის იდეის უკან დგას G 14-ად ნოდებული ევროპის 18 უდიდეს და უმდიდრეს კლუბთა გაერთიანება, რომელიც რა ხანია, უტევს ფიფა-უეფას და ევროფეხბურთში მოტრიალე ფულიდან უფრო მეტის გადაქაჩვა სურს თავისკენ, ვიდრე უეფა აძლევს.

გათვლა კი ასეთია: 18 კლუბი არ არის მთელი ევროპული ფეხბურთი, ეროვნული პროფლიგები კი უფრო წონადი ორგანიზაციებია. პოდა, მათ გაერთიანებას უეფასთან საბრძოლველად წონაც მეტი ექნება.

უეფას ფაფუს უკეთებენ?

უეფას თასი 2004-2005 D ჯგუფი. IV ტური

პანიონოსი — დინამო

გია გეგუჩაძე: დონე პრთია, მოჭივასია ორი ბარძნაბა დინამოს ევროეზი არ აიღეს



გია გეგუჩაძე „დინამოს“ ათენურ ვარჯიშით კმაყოფილი დარჩა

დღეს თბილისის „დინამო“ ათენში „პანიონოსთან“ უეფას თასის ბოლო მატჩს ითამაშებს და წლეულს ევროსარბიელს დაემშვიდობება.

ჩვენი ათენში გუშინწინ ჩაფრინდნენ და სასტუმრო „დივანი აკროპოლისში“ დაბინავდნენ, სადამოს ქალაქი დაათვალიერეს, გუშინ კი საქმესაც შეუდგნენ.

გია გეგუჩაძემ ნაშუადღევს შეგირდები „პანიონოსის“ სტადიონზე დაახლოებით ორი საათი ავარჯიშა და მათი მზადყოფნით კმაყოფილი დარჩა. როგორც „დინამოს“ პრეს-სამსახურის უფროსმა ლევან სალუქვაძემ ათენიდან გვაცნობა, ფენის ტკივილს შეუწყუბებია ლაშა სალუქვაძემ, მან ვარჯიშში ცალკე დაიწყო და გუნდს მოგვიანებით შეუერთდა. სხვა ფეხბურთელები კი არაფერს უჩივიან.

ვარჯიშის შემდეგ გია გეგუჩაძემ ბერძენი ჟურნალისტებისთვის პრესკონფერენცია გამართა, რომელიც 10-15 წუთი გაგრძელდა და 20-მდე ჩვენი კოლეგა დაესწრო. გეგუჩაძემ ეს თქვა:

— „პანიონოსზე“ ბევრი ინფორმაცია არ გვაქვს, თუმც არც ნაკლებობას ვუჩივით. ენაზე „სპორტინგთან“ და „ნიუკასლთან“ „პანიონოსის“ მატჩები და დავრწმუნდი,

რომ სერიოზული მეტოქე გვყავს. „პანიონოსიდან“ ვერც ერთ ფეხბურთელს გამოვარჩევ, თვალშისაცემი ისაა, რომ ჩვენი მეტოქე გუნდურ ფეხბურთს თამაშობს და გუნდის უმთავრესი პლუსიც ეს არის. აშკარაა, რომ „პანიონოსს“ უკვე ეტყობა ახალი მწვრთნელის ხელი. მიუხედავად იმისა, რომ მან გუნდი სამი კვირის წინ ჩაიბარა, ჩანს, მისი იდეები ფეხბურთელებს კარგად ესმით.

...ხვალ ძალიან დამაბულ და საინტერესო თამაშს ველი. „პანიონოსს“ შინ თამაშის გარდა ის უპირატესობაც აქვს, რომ ჩვენი დამარცხებით შემდეგ ეტაპზე გასვლის შანსს შეინარჩუნებს და ამის შესაბამისად მასპინძლები „დინამოზე“ უფრო მოტივირებულნი იქნებიან. ჩვენ კი ხვალინდელი მატჩის შემდეგ უეფას თასს დავეშვიდობებით. ამას რომ ვამბობ, ნუ იფიქრებთ, „დინამო“ წინასწარ განწირული ყოფილაო, პირიქით, იმედინად ვართ და ძალიან გვსურს, უეფას თასზე თამაშს შევუძლიო და გოლის გაუტანლად არ ჩავამთავროთ.

...„დინამოს“ პრობლემა ისიც, რომ რამდენიმე ფეხბურთელი გვაკლია, მათ შორის გუნდის კაპიტანი ნემსაძეც თბილისში დარჩა. ...ვფიქრობ, რომ „დინამო“ და „პა-

ნიონოსი“ დაახლოებით ერთი დონის გუნდები არიან. ორივე გუნდი ახალგაზრდა ფეხბურთელებითაა დაკომპლექტებული და უეფას თასის ჯგუფში თამაში ჩვენთვის გამოცდილების მიღების კარგი შესაძლებლობაა. გაისად, დარწმუნებული ვარ, „დინამო“ და „პანიონოსს“ გაცილებით კარგად ითამაშებენ...

გუშინვე სადამოს თბილისის „დინამო“ საბერძნეთში საქართველოს საელჩოს ესტუმრა და ქართულ სათვისტომოს შეხვდა. ქართველობამ ფეხბურთელები შეაგულიანა, წარმატება უსურვა და მატჩზე დიდ ქომაგობასაც დაჰპირდა.

საელჩომდე კი „დინამომ“ აკროპოლისის ანტიკური კომპლექსი დაათვალიერა და დიდად პატივსაცემად დარჩა. ბილეთი თურმე 12 ევრო ღირს, მაგრამ როცა აკროპოლისის მეთვალყურეთ თბილისელ ფეხბურთელთა სტუმრობის ამბავი შეუტყვიათ, ჩვენებს უფასოდ გამასპინძლებიან.

შეგახსენებთ, დღევანდელი მატჩი ჩვენი დროით თერთმეტის თხუთმეტ წუთზე დაიწყება. ათენში ტემპერატურა 18 გრადუსია. „პანიონოსის“ 11 700-იანი სტადიონი, როგორც ვარაუდობენ, არ გაივსება, თუმცა 7-8 ათას ქომაგს კი ელიან.

კობა ინასარიძე

ლიხენზია ევროეზი

საქართველოს ფეხბურთის ფედერაციის აღმასრულებელი დირექტორი ვალერი ჩილარია და ფედერაციის დეპუტატი ვლადიმერ გოგუნიძე ლიხენზიის წევრები დღეს საქართველოს ჩემპიონატის ექვსი გუნდის წარმომადგენლებს შეხვდებიან და ლიხენზიის საკითხებზე ესაუბრებიან. შეკრებას „დინამოს“, „ტორპედოს“, „ვიტ ჯორჯიას“, „თბილისის“, „ლოკომოტივისა“ და „ბათუმის“ მესვეურები დაესწრებიან და ლიხენზიის საკითხებზე დაკავშირებით ფედერაციისგან საგანგებო ინსტრუქციებს მიიღებენ.

შეგახსენებთ, რომ უეფას მოთხოვნით, საგაისო ევროტურნირებში მონაწილე ყველა კლუბს აუცილებლად დასჭირდება ლიხენზია და არქონის შემთხვევაში კლუბი ევროსარბიელზე ვერ ითამაშებს.

დღევანდელი შეკრება ფედერაციაში 12 საათზე დაიწყო და მას ჟურნალისტებიც დაესწრებიან.

ლუბა თალაკვაძე

დამატრამა დაეშვიდა: მენისკი არ იყო

დონეცკის „მეტალურგს“ შერჩენილი ერთადერთი ქართველი გიორგი დემეტრაძე შაბათს ზაპაროვიელ მეტალურგებთან მატჩის ბოლოს დაშავდა და შესაცვლელი შეიქნა — დემეტრაძეს მეტოქემ გაშლილი ფეხი მუხლში ჩაარტყა. ტრავმა თავიდან სერიოზული ჩანდა, მაგრამ...

— დღეს უკვე მთელი დატვირთვით ვივარჯიშე. ჩემდა გასახარად, არანაირი დაზიანება არ მაქვს, არადა, ექიმები მენისკის პრობლემას ვარაუდობდნენ — ვითხრა გიორგიმ, რომელსაც გუშინ დონეცკში დაუკავშირდით და ერთიორი სიტყვა უკრაინაში მიმდინარე პოლიტიკურ ამბებზეც ჩამოვუგდეთ...

— დონეცკში მშვიდობაა, არანაირი გართულება არ არის. რაც უკრაინაში ხდება, ყველაფერი კიევიში. ეს ალბათ იმის გამოა, რომ მთელი დონეცკი იანუკოვიჩის მომხრეა და დარწმუნებულნი არიან, პრეზიდენტი სწორედ ის იქნება. დონეცკში პრობლემა არც ქართველებს გვაქვს, ჩვენ ორივე მხარის მეგობრებად ვითვლებით და დიდი პატივისცემითაც გვეპყრობიან.

და ერთიც: გუშინ უკრაინელმა სტატისტიკოსებმა ერთი საინტერესო ინფორმაცია გავრცელეს. მათ



დათვალეს და აღმოჩნდა, რომ უკრაინის წინა ჩემპიონატის ბომბარდირი გიორგი დემეტრაძე ახლა ასისტენტებს შორის ლიდერობს. ჩატარებულ 14 შეხვედრაში ჩვენიანს 10 საგოლე პასი გაუკეთებია. გოლი კი, გიორგის ჯერ სულ სამი აქვს გატანილი.

კობა ინასარიძე

ბალტიკა ლუდის კათხასაგით ღიხნა

რუსეთის მეორე დივიზიონში დაქვეითებული კალინინგრადის „ბალტიკა“ სისხლისგან იცლება. გუნდი უკვე თხუთმეტმა ფეხბურთელმა დატოვა, მათ შორის ქართველებმაც — მოსკოვის „ლოკომოტივიდან“ განათხოვრებულ რომან ახალკაცს იჯარის ვადა ამოეწურა, ზაზა ჯანაშიას და თემურ გადელიას კი „ბალტიკასთან“ კონტრაქტი დაუმთავრდათ.


ასეც არ ყოფილიყო, ჩვენებურებს მაინც მოუწევდათ კალინინგრადიდან აბარება, რადგან რუსეთის მეორე დივიზიონში ლეგიონერების თამაში აკრძალულია.

ქართველების ბედი ჯერჯერობით გაურკვეველია. გამორიცხული არაა, ახალკაცი „ლოკომოტივში“ დაბრუნდეს, თუმც ამბობენ, მას ისევ გაანათხოვრებენო. აი, ჯანაშია-გადელიას საქმე კი უფრო ბუნდოვანია — მათ ახალი გუნდების მოძებნა მოუწევთ.

კობა ინასარიძე



კარლოს მარკოზამ „პანიონოსის“ ჯგუფში ერთადერთი გოლი „სპორტინგთან“ გაიტანა



„პანიონოსის“ ახალი მწვრთნელი გეორგიოს ვაზაგასი

ინგლისი	სოტლანდია
ჩემპიონატი გადაღებული მატჩი	II დივიზიონი
ბრის 2:1 ბილუოლი	გადაღებული მატჩები
ლიბის თასი. 1/4 ფინალი	დამპარტონი 0:1 ალზა
ფუტბი 1:2 ჩაუსი	პირველი 1:0 ფორფარი
უტფორდი 3:0 პორტსმუთი	III დივიზიონი
LDV VANS TROPHY	გადაღებული მატჩები
1 ეტაპი. გალათაგაშეა	კოუდენითი 0:0 მონტროუზი
როვერსი 1:0 უიკოვი	პიტერჰედი 5:0 სტანაუზეფერი
ჩესტერი 0:1 რაისი	
პირველი 2:1 ბლექპული	
ლიტონი 1:0 უოლსოლი	
მაკლსფილდი 0:1 ტრანვერი	
ნორთჰემპტონი 0:2 საუთჰემი	
ოულდი 3:1 პარტლანდი	
სუინდონი 1:0 პრინსტონი	
	გერმანია
	ჩრდილოეთი
	რეგიონალური
	გადაღებული მატჩი
	ბენიცი 2:1 დიუსელდორფი

გელზენკირხენის „შალკე 04“ ახალი მწვრთნელის, რალფ რანგნიკის ხელში უნინდელზე უკეთესად რომ ათამაშდა, ამაში ლემპან კოპინაშვილსაც მიუძღვის წვლილი, ვინაც ბოლო დროს „შალკეში“ გოლების გატანას მოუხშირა ბუნდესლიგაში თუ უფას თასზე.



— იცით თუ არა, რომ 31 აგვისტოს თქვენ ისტორიული რამ გააკეთეთ საკონტროლო მატჩში „პოლსთან“?
— იმ შეხვედრაში მე პირველი გოლი გაიტანე „შალკესთვის“. გოლის გატანა ჩემთვის უპირველესი მიზანი არ არის, მაგრამ წინა სეზონში ერთხელაც ვერ გავიტანე, რაც ჩემს კარიერაში არასდროს მომხდარა — სეზონში სამი-ოთხი გოლი ყოველთვის გამჭირდა.

— წინა სეზონის ასეთი სტატისტიკა ყველაზე უფრო რით იყო განპირობებული?
— ჩემი სათამაშო პოზიციით. წინა სეზონში ხშირად მიწვევდა „შალკეს“ ოთხკაციან დაცვაში თამაში — ასეთ დროს საკვლე მანძი ძალიან იშვიათად გეძლევა.
— მიმდინარე სეზონში კი ბუნდესლიგაში და უფას თასზე სამსამი გოლის გატანა მოახერხეთ.
— ამით ძალიან კმაყოფილი ვარ, ვინაიდან სათამაშო პოზიციით წინა სეზონში ხშირად მიწვევდა „შალკეს“ ოთხკაციან დაცვაში თამაში — ასეთ დროს საკვლე მანძი ძალიან იშვიათად გეძლევა.
— მიმდინარე სეზონში კი ბუნდესლიგაში და უფას თასზე სამსამი გოლის გატანა მოახერხეთ.
— ამით ძალიან კმაყოფილი ვარ,

რანგნიკი მიუნხენში პირველი როგორ დაარიბა კობიაშვილმა უაღრესად

ეს იმაზე მიანიშნებს, თუ რისი მატჩის ვარ გოლების გატანაში.
— წინა სეზონი სოლიდურად კი ჩატარეთ, მაგრამ ახლა, მას შემდეგ, რაც გუნდში მწვრთნელი შეიცვალა, „შალკეს“ სხვა მოთამაშების დარად თქვენც უფრო კაშკაშად ათამაშდით და არა მხოლოდ ცალკეულ მატჩებში — იზიარებთ ასეთ შეხედულებას?
— (იცინის) ეს მართლაც ასეა. ჩვენ ახლა უფრო შემტევ ფეხბურთს ვთამაშობთ და ყველაფერიც ამან მოიტანა. თამაშის ასეთი სტილი ჩემთვის უფრო ხელსაყრელია. მე როგორც ჩამშლელსაც მაქვს კარგი თვისებები და, მართალია, არც ლინკოლნივით ათი ნომრის მოთამაშე ვარ, მაგრამ გუნდში ერთადერთი ვარ, ვინც მოედნის სიღრმიდან მივიღებარ წინ — ამის საშუალება ახლა მაქვს — სამი ცენტრალური ნახევარმცველით ვთამაშობთ და ეს იმას ნიშნავს, რომ თუ წინ წავედი, დანარჩენი ორი დაზღვევაზე იქნება. თუ გუნდში ასეთი ნდობა არსებობს, საკუთარ თავსაც უფრო ენდობი.
— „შალკე“ ახლა ყველა ფრონტზე წარმატებულად თამაშობს — როგორ მოქმედებს ეს თქვენს ფსიქოლოგიაზე?
— ეს ჩვენთვის ძალიან მნიშვნელოვანია. როცა გამარჯვებების სერიაა, რწმენა გაქვს, რომ ყველაფერს შენდა სასიკეთოდ მოაგვარებ.
— ბუნდესლიგის მეთორმეტე ტურში კამპურგში 0:1 აგებდით და 2:1 მოიგეთ — ამ გამარჯვებით დაგობრუნდათ რწმენა, რომ მიუხედავად ბუნდესლიგაში ცუდი სტარტისა, უფას თასის ჯგუფურ ეტაპზე მაინც გახვიდოდით, რაც სეზონის წინ დაისახეთ?
— ეს რწმენა მე უფრო ადრე ვიგრძენი, როცა „ბაიერნს“ მიუნხენში მოუუგეთ მერვე ტურში.
— ამ სეზონში ერთი ასეთი სცენა იყო — რალფ რანგნიკმა „ბოხსშთან“ მატჩის დროს გადმოცაფრული, სადაც ტაქტიკური ცვლილებები იყო მოხაზული, რაც თქვენ თანაგუნდელებისთვის უნდა გაგვეცნოთ — როგორ გაჭრა ასეთმა ხერხმა?

— გოლები დაგრი, ასეთი რამ არასდროს გამოკეთებია და არასდროს მენახა ბუნდესლიგაში. თუმცა მივხვდი, მწვრთნელს რა ჩანაფიქრი ჰქონდა, მაგრამ ეს ფეხბურთელებისთვის რომ გამეცნო, ამისთვის ალბათ ტაიმაუტის მაგვარი იყო საჭირო. წარმოიდგინეთ, მე მოედნის აქეთა ნახევარზე ვარ, გერალდ ასამოა კი იქითაზე და მას ტაქტიკური ცვლილებების შესახებ უნდა მოუყუვე მაგრამ მჯეროდა, რომ ყველაფერი ამას თავს გაკართმევედი და ის მატჩი ჩვენ მოვიგეთ! (იცინის).
— თითოეული სამი ქულის შემდეგ „შალკეს“ ფანებს შალკე ემატებათ და ჩემპიონობაზე ფიქრობენ — თქვენც იგივე აზრის ხართ?
— ეს ასე არ არის, მაგრამ ჩემპიონობა თავში ყოველთვის მიტრიალებს თუ ცხრილს დაუხედავთ, ლიდერს ორი ქულით ჩამოვრჩებით, მაგრამ მესამეადგილოსანს ოდენ სამით ვუსწრებთ.
— „შალკეში“ ამ სეზონში ჩემპიონი „გერდერში“ მალაღენ კრსტაინი გადმოვიდა — მას ჩემპიონობის თავისებური გამოცდილება აქვს და ამ მხრივ თქვენც ხომ არ თვლით თავს გამოცდილად?
— საქართველოს ჩემპიონი ვარ და რუსეთშიც მოწინავე გუნდში ვთამაშობდი, მაგრამ ამას ბუნდესლიგას ვერ შევადარებ. „ფრაიბურგში“ 5-6 წელი დავეყავი და ყოველთვის ვოცნებობდი ბუნდესლიგის მოგებაზე. მიხარია, რომ ახლა უკვე ამბიციურ გუნდში ვარ. ვერაფერი შეედრება იმას, თუ ჩემი კარიერის ბოლო პერიოდში გერმანიის ჩემპიონი გავხდები.
— თქვენ ტაიპურად ტექნიკური ფეხბურთელი ხართ და რამდენად გვუბანთ თანაგუნდელები თქვენს თამაშს?
— როცა გუნდში ისეთი ფეხბურთელი გყავს, როგორც ლინკოლნია, შეგიძლია, რომ ტექნიკური სტილით ითამაშო. საქართველოში ტრადიციულად ძლიერი არიან ბურთის ფლობაში. ვფიქრობ, თანაგუნდელები კარგად მეწყობიან.
— მსოფლიოს ჩემპიონატის სა-

კვალიფიკაციო ჯგუფში საქართველოსთან არიან ევროპის ჩემპიონი საბერძნეთი, მსოფლიოს მესამეადგილოსანი თურქეთი, ევროპის ბოლო ჩემპიონატის მონაწილე დანია, უკრაინა და კერკტი ალბანეთი — ასეთ ჯგუფში თქვენი ნაკრები უკეთ თამაშობს, ვიდრე წინა შესარჩევ ციკლებში — რატომ?
— ძალიან კარგი მწვრთნელი დაგვიჩვენეს ალენ ჟირესის სახით, თანაც ჩვენი ნაკრების საშუალო ასაკი ახლა 26-27 წელია, ხანდახან მთელი ფეხბურთელები გუნდიდან წავიდნენ. ძალიან ძნელია, ასეთ ჯგუფში პირველ-მეორე ადგილებზე ვახვიდე. უკრაინას ანდრეი შეჩენკო ჰყავს და წინ გაიჭრა. თუმცა პირველი ოთხი მატჩი ნორმალურად ვითამაშეთ და არცთუ მცირე მანძი გვაქვს მეორე ადგილზე გასასვლელად.
— დანიასთან მატჩში თქვენი შალკელი თანაგუნდელის კრისტიან პოულსენის წინააღმდეგ ითამაშეთ — როგორი დუელი იყო?
— თანაგუნდელის წინააღმდეგ თამაში უჩვეულო კია, მაგრამ ნაკრებში მე მარცხენა ფლანგზე ვთამაშობ, პოულსენი კი ნახევარდაცვის ცენტრში — ერთმანეთს გზას არ ვუჭრიდით.
— ბუნდესლიგის პირველი ეტაპი მალე დასრულდება — საშობაო შეგებულებას როგორ ვაატარებთ?
— ჩემი ოჯახით საქართველოში ვადაფერინდები, რადგან ჩემი და მეუღლის შშობლები, ჩვენი მეგობრები თბილისში ცხოვრობენ. საშობაო შეგებულებისას ჩვენში ყველაზე მნიშვნელოვანი დღე 31 დეკემბერია — საჩუქრებს ერთმანეთს მაშინ ვჩუქნით.
— კობიაშვილების ოჯახში თქვენ ერთადერთი ფეხბურთელი ხართ?
— ჩემი უმცროსი ძმა ანიკო საქართველოს ს-წლამდელთა ნაკრებში თამაშობს. ვნახოთ, დადგება თუ არა მისგან პროფესიონალი ფეხბურთელი. მაშინ კი ამბობს, რომ მისით ძალიან კმაყოფილია.

ტრიკული ძილისაირული დაბთავრდა

მეორე ბუნდესლიგელმა „ტრიკმა“ დავით სირაძემ ზაფხულში შეიძინა და ჩვენებურზე გარკვეულ იმედებსაც ამყარებდა — აკი 10-ნომრიანი მაისურაც გადასცეს. თუმცა ვერც „ტრიკი“ და ვერც სირაძე გერმანიას ვერ აზანზარებენ — კლუბი მეთერთმეტე ადგილზეა, ქართველ ნახევარმცველს კი ამ სეზონში სულ ექვსი, ისიც არასრული მატჩი მოუგროვდა.
— ამის მიუხედავად, დათოს გუშინ გერმანიაში რომ დავეუკავშირდით, იმედიანად გვესაუბრა — თვეები რომ გამოცდა, ეს სეზონის წინ მიღებული ტრაგედიის ბრალია, ახლა კი ნელ-ნელა შევდივარ ფორმაში და, დარწმუნებული ვარ, მეორე ნრეში ძირითადად ვითამაშებო...

— ზაფხულში ვარჯიშზე მიღებული ტრაგედი ძალიან გამაწვავდა, ამასობაში კი „ტრიკი“ ნელ-ნელა შეთამაშდა, შედეგად ნორმალური ჰქონდა და მწვრთნელი პაულ ლინციც ერიდებოდა შემადგენლობის შეცვლას. ახლა სრულად გამოვეანბნეთ, წინა ტურში „კიოლნთან“ მხოლოდ 12 წუთი მათამაშეს, მაგრამ მწვრთნელი ლამის ყოველდღე მამხნევებს და არ გამოვიციხავ, მომავალ ტურში, დრუნდენში, პირველივე წუთებიდან მათამაშოს.
— შენს პოზიციაზე ვინ თამაშობს?
— ერთი გერმანელი, მეორე სერბი. ორივე კარგი ფეხბურთელია, მაგრამ კონკურენციას მოვერევი. ისე, ტრაგედიამ ყველა ამხანაგურ მატჩში ძირითადად ვიყავი.
— ნახევარდაცვაში რა ადგილზე გიწვეს თამაში?



თორემ აქ თუ არ ვითამაშებ, ნაკრებში ვინ გამომიძახებს.
— საქართველო — დანიას ალბათ უყურე...
— ვუყურე და ძალიან დამწყვდა გული, რომ ვერ მოვიგეთ. შოთას რომ ის გოლი გაიტანა, მაგარი მანძი გაგვიჩნდებოდა, თუმცა ნაკრები ბოლოს ისე ათამაშდა, ნებისმიერ მატჩში მოგების იმედი უნდა გვექონდეს.

შენ სკრაიტი გიყვარდა, კორტუგალიელი

ერთი თავი დაწერილი ღიბნიდან

დღეს აღარც ერთი „ბარსელონაში“ და აღარც მეორე. იმ გუნდიდან ბევრიც აღარავინ დარჩა. ხოლო რაც დარჩა, მოგონებებია. „ბარსელონას“ დიდი კაპიტნის, ხოსეპ გვარდიოლას ნიგნში „ჩემი ხალხი, ჩემი ფეხბურთი“, მე-18 თავი ლუიშ ფიგუს ეძღვნება, რომლის ქართულ თარგმანსაც დღეს ვთავაზობთ



რაბომ, ლუიშ?

დილის ხუთი საათია. ვცდილობ როგორმე დავიძინო. ძილი არ მოდის. ეს შეუძლებელია. 3 მარტის დამე 4 მარტის დილამ შეცვალა. 4 ჩემი ციფრია. ახლახან დავბრუნდი მადრიდში, „ბერნაბეუდან“. არ მეძინება და ვფიქრობ, როგორი ბედნიერი ვარ, ფეხბურთელის კარიერა რომ ავირჩიე და ჩემი კარიერა ასეთი წარმატებული გამოდგა. რამხელა ბედნიერებაა, როცა შეგიძლია ფეხბურთით ისიამოვნო. გუშინ „ბერნაბეუზე“ უდიდესი სიამოვნება მივიღე.

ასეთი მატჩებით ჩვენ აღრე ერთად ვიღებდით სიამოვნებას. ახლა ერთად აღარ ვართ. როცა ერთად ვიამაშობდით, შენ 7-ნომრიანი მისურით გადიოდი მოედ-

ანზე, ახლა 10-ნომრიანი გაცვია... როცა ბარსელონადან მადრიდში მოფორინავდით, შენ აღარ იჯექი ჩემს გვერდით პირველ რიგში, როგორც ეს ყოველთვის ხდებოდა. ახლა შენს ადგილზე ლუის ენრიკე იჯდა. შენ რომ ყოფილიყავი, აუცილებლად შეუკვდი „სპრაიტს“, როგორც ყოველთვის ძალიან ცივს, მთელი ფრენის მანძილზე მოდის ჟურნალებს დაათვალიერებდი. მაგრამ შენს მაგივრად ჩემს გვერდით ლუის ენრიკე იჯდა. ტომატის წვენი შეუკვთა და რაღაც ძალიან ჭკვიანური წიგნის კითხვა დაიწყო. ხომ ხელავ ლუიშ, გუნდში ინტელექტის დონე როგორ გაიზარდა. ძალიან გთხოვ, ნუ იტყვი, რომ ჩვენთან ინტელექტი მაინც არ არის.

სასტუმროში მივედი. მარტო ვარ. შენც რომ ყოფილიყავი, მობილურს აიღებდი და გაუთავებლად დაიწყებდი რეკვას შენს ყველა პორტუგალიელ და მადრიდელ მეგობართან. გაუთავებლად ილაპარაკებდით ყველაფერზე ფეხბურთის გარდა. მთელი დამე ილაპარაკებდი და მხოლოდ რიყრაჟზე ჩაქრობდი შუქს და ჩაილაპარაკებდი, ძილის დროაო. და შენ ისევე სწრაფად ჩაგეძინებოდა, როგორც სწრაფად ატყუებ-ხოლმე მცველებს და მიიწვევ კარისკენ.

გახსოვს, ვიგოში რომ ვითამაშეთ? ესპანეთი პორტუგალიის წინააღმდეგ? მაშინ პირველად დაგინახე და გაგიცანი. მაშინ სწორედ ისეთად გაგიცანი, როგორც სინა-

მდვილეში ხარ. მაშინ ვიგოში მივხვდი, რომ შეგიძლია მთელი გუნდი მხრებზე მოიკიდო და გამარჯვებისკენ გაუძღვე. მერე, ბევრჯერ დაგრწმუნდი, რომ არ შევძლებდარვარ და ზუსტად ასეთი იყავი. ჩვენთან შენ ბევრჯერ გაგიკეთებია ეს და ჩვენგან წასული კიდევ ბევრჯერ გააკეთებ. ახლა ვიხსენებ და გული მწყდება.

მაგრამ ჯანდაბას სინანული. როგორც ახელი ამბობს-ხოლმე, ჩვენ გვიხარია, როცა თამაშის მერე შენ ჩვენს გასახდელში შემოდიხარ.

შენ გუშინაც შემოხვედი ჩვენს გასახდელში. მაშინაც შემოხვედი, როცა პირველად დაბრუნდი „კამპ ნოუზე“. მოუხედავად იმისა, რაც იმ თამაშისას ამოხდა, მაინც შემოხვედი. ახელსაც ძალიან გაუხარდა რომ შემოხვედი. ის სულ ამბობს, რომ არ ესმის ჩვენგან წასული ფეხბურთელების, რომლებსაც ჩვენს წინააღმდეგ უხდებოდა თამაში და მატჩის მერე ჩვენს გასახდელში არ შემოდიან. ჩვენ ხომ გვინტერესებს მათი ამბები, როგორ არიან ახალ კლუბებში. სულ არ აქვს მნიშვნელობა, ჩვენი სტადიონის გასახდელი იქნება თუ იმითი.

არადა, ეგეთი ფეხბურთელებიც არიან — ჩვენი ძმები რომ იყვნენ და წასვლის მერე „ბარსას“ გასახდელს შორიდან უკლიან. შენ ეს არასდროს გაგიკეთებია. შენ შემოხვედი. გაოფლილი და საშინლად დალილი იყავი, მაგრამ მაინც შემოხვედი და ყველას გადაგვეხვიე. პრეზიდენტმა გასპარმა ხელი გამოგიწვია. შენც გაუწოდე მასაც და „ბარსას“ ყველა ბოსსაც. მერე მე და შენ რკინის ყუთზე ჩამოვჯექით, რომელიც მუდამ დაგვაქვს სადაც არ უნდა წავიდეთ და ცოტა ხანი შენს ახალ სახლზე, ელენზე და ჩემს ნათლულ დანიელაზე ვილაპარაკეთ.

გახსოვს ის დღე, შენი შვილის ნათლობა რომ მოხდა? მაშინ გითხარი: „კარგად დაფიქრი, ლუიშ, ნამდვილად გეყოლება ვინმე ჩემზე ახლობელი ადამიანი, ვინც ჩემზე მეტად იმსახურებს დანიელას მონათვლას.“

შენ ვითომ ვერ გაიგე. შენ მე ამირჩიე და ამით უდიდესი სიამაყე, მადლიერება და პასუხისმგებ-

ლობაც ვიგრძენი. უკვე დილის ხუთი საათია. უკვე რამდენიმე საათი გავიდა. რაც მოთმანეთს დავემშობლებო. კიდევ გავა დღეები. კვალები. თვეები. ეგებ წლებიც, მაგრამ მე მუდამ ისეთი მეხსიებები, როგორც მაშინ, ერთი გასახდელი რომ გვქონდა.

ეჰ, რატომ ვერ დაუღუპი მტკიცედ იმ კაცს, რომელიც მერე შენი ახალი პრეზიდენტი გახდა და რატომ ვერ გაუშედი ცდუნებას... ან იმას რატომ ჰქონდა გადაწყვეტილი, რომ მაინცდამაინც შენ უნდა წაყვებანე. შენ აქ სამოთხეში იყავი და რატომ დაიწვე სხვა სამოთხის ძებნა... ეგებ იმიტომ, რომ გადაწყვეტილება ძალიან სწრაფად, დაუფიქრებლად მიიღე... ეგებ იმიტომ, რომ ჩვენი უფროსობა შენ არ გისმენდა და შენი არ ესმოდა... ეგებ იმიტომ, რომ გვეონა, არავინ გაფასებდა... ეგებ, ფულის გამოც...

ოცი წლის მერე, როცა მე და შენ ყველა ტრავმა მოშუშებული გვექნება და გახუტებს აღარ ვეხსოვებით, სადმე ჩამოვჯდებით, რამდენიმე კათხა ლუდს დავლევეთ და მაშინ პირადად გკითხავ: რატომ? იქამდე კი ლუიშ, კიდევ ბევრი დრო გვაქვს. ოცი წლის მერე ვილაპარაკოთ ამაზე.

გუშინ გასახდელში რომ დაგვემშვიდობე და შენი გასახდელისკენ წახვედი, ჩვენ „ბარსასისკენ“ გავემართეთ და თვითმფრინავში ჩავსხედით. ლუის ენრიკემ ისევ ტომატის წვენი მოითხოვა, ოღონდ ამჯერად ყინულის გარეშე და სანამ ბარსელონაში ჩავფრინდებოდით, მეორე ძალიან ჭკვიანური წიგნი წაიკითხა — ორი წიგნი, ორ დღეში.

მეტი რა ვითხრა. გუნდში ყველაფერი კარგადაა. ჩვენ თამაშსაც უკეთესობა დაეცყო. თუ შეამჩნიე, გუშინ შენი ახალი გუნდის წინააღმდეგ ისეთი შემართებით ვითამაშეთ, შენ რომ გვასწავლიდი.

უკვე საბოლოოდ გათენდა. ახლა უკვე ვხვდები, რომ ჩამეძინება. ჩემს მარჯვენა კოცნი და ისევ დანიელა მახსენდება. აკოცე და უთხარი, რომ ძალიან მიყვარს.

მომავალ შეხვედრამდე პორტუგალიელი...

იანუკოვიჩი, ავტონომია და ბარსელონა

ძელი სათქმელია, მიიღებენ თუ არა დონეცკელები პრეზიდენტად თავისთვის და რუსეთისთვის სასურველ ვიქტორ იანუკოვიჩს. ძელი სათქმელია, მიიღებენ თუ არა ავტონომიას იმავე რუსეთის წაქეზებით. და ისიც ძელი სათქმელია, მიიღებენ თუ არა ერთი კვირის თავზე „ბარსელონას“.

ჩემპიონთა ლიგის იმ ჯგუფში, რომელშიც დონეცკის „შახტარი“ თამაშობს, ერთადერთი კითხვაა უპასუხოდ დარჩენილი: ვინ გავა მესამე ადგილზე და ვინ გაიხანგრძლივებს ამით ევროსიციცხლეს, „შახტარი“ თუ „სელტიკი“. „ბარსელონას“ და „მილანს“ თავი უკვე მერვედღეინაღმი აქვთ დაგულიებუ-



ლი და ბოლო ტურში სტუმრად ხვდებიან ჯგუფში ჩარჩენილებს. მესამეადგილოსნობის მეტი შანსი „სელტიკს“ აქვს, დონეცკელები კი, მხოლოდ იმ შემთხვევაში გადავლენ უეფას თასზე, „სელტიკმა“ თუ ვერ მოიგო, თავად კი კატალონიელებს დაამარცხებენ. მაგრამ იქამდე უსაფრთხოების საკითხებია მოსაგვარებელი, რომელიც „ბარსელონას“ ისე აწუხებს, რომ პრეზიდენტმა ხუან ლაპორტამ წერილიც აფრინა უეფაში, დონეცკში ჩასვლას აგვარიდეთო. კატალონიელთა შემოქმედება სავსებით დღეიკურია, მაგრამ უეფა მატჩის გამართვის ადგილის შეცვლისგან ჯერჯერობით თავს იკავებს. უკრაინის ფეხბურთის ფედე-



ნილო ნივნივაძე აზერბაიჯანული სეზონის საუბრისო ხელი

ბაქოში გაიმართა ქალ ხელბურთელთა 2005 წლის მსოფლიოს ჩემპიონატის შესარჩევი ტურნირი. ექვსი ქვეყნის ნაკრები ორი საპლეიოფო საგზურისთვის იბრძოდა.

ამ ღონისძიებამ იმით დაგვიინტერესა, რომ აზერბაიჯანის ნაკრებში ჩვენი თანამემამულეები — ნილო ნივნივაძე და ეკატერინე ყიფიაშვილი თამაშობენ. მესამე წელია, ისინი ამ ქვეყნის საუკეთესო კლუბის, ბაქოს ABY-ს ლირსებას იცავენ, თანაც წარმატებით — უკვე სამჯერ ჩემპიონები არიან და აზერბაიჯანის ხელბურთის ხელმძღვანელთა თხოვნით, იქაური მოქალაქეობა მიიღეს, რათა ნაკრებს დახმარებოდნენ მსოფლიოსა და ევროპის ჩემპიონატების შესარჩევ ციკლში.

ხელბურთის საერთაშორისო ფედერაციამ შეჯიბრების დელეგატად მერაბ მეტრეველი მიაველინა: როგორც გუშინ ბაქოდან დაბრუნებულმა ბატონმა მერაბმა გვამცნო, ჩვენს მეზობლებს ტურნირი სანიმუშო ორგანიზაციულ დონეზე მოუწყვიათ. ცხადია, მასპინძლობა იმად ითავებს, რომ პლეიოფო გასვლის იმედი ჰქონდათ, მაგრამ ამდენი ცდა კინალამ წყალში ჩაეყარათ. საშუალო ძალის საბერძნეთთან პრაქტიკულად მოგებულ მატჩში ბოლო ორ წუთში ორი უპასუხო გოლი გაუშვეს და მხოლოდ ფრეს დასჯერდნენ — 24:24. და უკვე საგზურგანაღებულ პორტუგალიელებს ბულგარეთთან თავი რომ არ მოეკლათ (24:23), აზერბაიჯანი ხელმოცარული დარჩებოდა.

ბერძნებთან კი იმიტომ გაუჭირდათ, რომ მეორე ტაიმი ტრავმირებული ლიდერის გარეშე ჩაატარეს. ნივნივაძეს შესვენების წინ მეტოქე ეუხეშა, ნილო დაეცა და მუხლი მძიმედ დაიშავა. ფეხი თაბაშირში ჩაუსვეს და მისთვის ტურნირი დასრულდა. ტრავმის შესახებ წერილის ბოლოს, მანამდე კი გთავაზობთ შეჯიბრების დანყებად ბაქოს პოპულარულ სპორტულ ჟურნალ „სპორტსმენის“ ინტერვიუს ნილო ნივნივაძესთან.

გიბ ახალაძე



მერიკონული ხელბურთისკა

მერაბ მეტრეველის ჯომენტარი:

ნივნივაძე ძალიან პოპულარულია იქაურ სპორტის სპეციალისტთა და ქომაგთა შორის. კლუბის და ნაკრების ხელმძღვანელებიც მას დიდ პატივს სცემენ. ნილოს უცხოეთიდან მიწვევები კი აქვს, მაგრამ აზერბაიჯანელები მის არსად გაშვებას არ აპირებენ.

ნილომ ეს ტურნირიც ჩინებულად დაიწყო, სამ თამაშში 29 გოლი გაიტანა და დაცვაშიც საიმედოდ მოქმედებდა. საბერძნეთთან შეხვედრაში მხოლოდ ოთხჯერ მოასწრო გატანა, პირველი ტაიმის მიწურულს მეტოქემ მუხლი მუხლში მიარტყა და მძიმე ტრავმაც მიაყენა. ექიმებმა მენისკი დაუდგინეს, საოპერაციო ხარო. ნილო დღეს ჩამოვა თბილისში და ოპერაციასაც ალბათ აქ გაიკეთებს.



ЛУЧШАЯ РУКА АЗЕРБАЙДЖАНСКОГО ГАНДБОЛА

როგორც ბოლო წლები გვიჩვენებს, აზერბაიჯანი არ აპირებს თანამედროვე სპორტის ტენდენციისგან ჩამორჩენას. ლაპარაკია ამა თუ იმ ლეგიონერის ნატურალიზაციაზე, გააზერბაიჯანელებაზე. ზოგი ალბათ გაიცხავს ამგვარ ნაბიჯებს, მაგრამ თანამედროვე სპორტში უამისოდ ფონს უკვე ვერ გახვალ. ჩვენში ეს გზა გაიარეს ფეხბურთმა, ფრენბურთმა, ხელბურთმა, ძალოსნობამ, თავისუფალმა და ბერძნულ-რომაულმა ჭიდაობამ, მხატვრულმა ტანვარჯიშმა.

ამჟამად არ ვაპირებთ კონკრეტულად ყველა მათგანის ჩამოთვლას. ვადაწვევით, ყურადღება გავამახვილოთ მათ შორის საუკეთესოზე — ნილო ნივნივაძეზე, რომელსაც ტყუილად არ შეარქვეს „აზერბაიჯანული ხელბურთის საუკეთესო ხელი“.

— თუ არ ვცდები, აზერბაიჯანის ნაკრებში პირველად 2002 წლის აპრილში გამოჩნდით „ჩელენჯ თროპის“ გათამაშებისას. მაგრამ მანამდე, იანვარში ჩამოხვედით ბაქოში ABY — „გალიჩანკას“ თამაშების წინ. სწორედ მაშინ შემოგთავაზეს ჩვენს ნაკრებში თამაში?

— ისე, მე და ჩემი მეგობარი ეკატერინე ყიფიაშვილი ABY-ში სათამაშოდ მოგვიწვიეს. თუმცა, ვფიქრობ, სადაც კლუბი, იქაც ნაკრები. ჩვენ ბაქოში მოგვიწვია კლუბის პრეზიდენტმა კიაზიმ გიულამამედოვმა. ადრე როსტოვის „ისტორიკში“ ვითამაშობდი, სადაც ჩემი მეგობარი იყო თქვენი ხელბურთელი ელენა ნეჩაი. მერე უკრაინის „მოტორში“ გადავედი, შემდეგ კი სამშობლოში დავებრუნე. ევროპის ჩემპიონატის შესარჩევ ტურნირში საბერძნეთის ნაკრებთან მარცხის მერე თქვენი გუნდის ხელმძღვანელობა უკანა ხაზის მოთამაშეს ეძებდა და ნეჩაის რჩევით, მე დამიკავშირდნენ.

— სამშობლოში რით იყავით დაკავებული?

— პრაქტიკულად არაფრით. ტრავმის გამო თითქმის მთავტოვე ხელბურთი. მომპეზრდა გამუდმებული ტრავმები და მკურნალობა. იმ მომენტში მომიპატიჟეს ბაქოში. ბუნებრივია, მაშინვე დავთანხმდი. ზოგიერთ თქვენს მოთამაშეს კარგა ხანია, ვიცნობდი და ურთიერთობაში პრობლემა არ მქონია.

— ჩვენს ნაკრებში თქვენი მონაწილეობა?

ბით პირველივე მატჩის შემდეგ, ეს კი ბელგიასთან თამაში იყო, ნათელი გახდა, რომ გუნდში ბომბარდირი გამოჩნდა. იმ თამაშზე რა მოგონებები ღაგრჩათ?

— მახსოვს, ის მატჩი დიდი სხვაობით, 28:19 მოვიგეთ. მე ძალიან მეშინოდა და დაძაბული ვიყავი, რადგან ვთვლიდი, რომ გულშემატკივრები ჩემგან გოლების გატანას მოითხოვდნენ. ძალიან ვცდილობდი, მაგრამ თავიდან არაფერი არ გამოძლიოდა. პირველი ტაიმი ჩავაფლავე და მხოლოდ შესვენების შემდეგ დაეწინარდა, თამაშიც წამივიდა. მას მერე ორი წელი გავიდა და გუნდში საქმეები ძალიან კარგად მიდის. შეთანამშებულები ვართ და, ვფიქრობთ, ჩვენი საუკეთესო მატჩები წინაა.

— წინა შესარჩევ ციკლში თქვენ ისევ გამოიჩინეთ თავი, როცა შვეიცარიის, ბულგარეთისა და საბერძნეთის ნაკრებების კარში 35 გოლი გაიტანეთ, რაც მთელი გუნდის გოლების ორმოცი პროცენტია.

— ეს უკვე წარსულია. ახლა მომავალ მეტოქეებზე ვფიქრობ. ჩვენ გვაქვს მსოფლიოს ჩემპიონატზე მოხვედრის შანსი და ამისთვის ყველაფერი უნდა ვიღონოთ.

— როგორია ბაქოში თქვენი ყოველდღიური ცხოვრება?

— ნორმალური. მე და ეკა ორთაზიან ბინაში ვცხოვრობთ, ოლიმპიურ-სპორტული კომპლექსის სიახლოვეს. კვებასთან დაკავშირებით პრობლემები არ გვაქვს, თვითონ ვამზადებთ. ზოგჯერ ჩემი მძა ჩამოდის. დააყენა თანამგზავრული ანტენა, ასე რომ, ვიჭერთ ქართულ გადაცემებს. ერთი სიტყვით, მოწყენილები არ ვართ. ქალაქში მცნობენ, ერთხელ მე და ეკა ავტობუსის გაჩერებაზე ვიდექით. მოვიდა ახალგაზრდა კაცი, გვიცნო, ხელბურთელები ამდენ ხანს არ უნდა იცდიდნენო. ტაქსი გამოიძახა და ფულიც თავად გადაიხადა.

— ამბობენ, რომ თქვენ ძალიან ვიყვართ ზუმრობა, მძიმე წუთებში ცდილობთ, ყველა გაამხიარულოთ.

— უბრალოდ, მიყვარს იუმორი და ყოველთვის, როგორც კი ზუმრობას ვიწყებ, ყველა იცინის. როცა ხასიათზე არ ვართ, გოლები მთხოვენ, გავამხიარულო: მეც ვიწყებ... ჩვენი მწვრთნელი ასეთი მომენტების მომზრეა, მშვენივრად ესმის, რომ საჭიროა დაძაბულობის მოხსნა, მოშვება.



ის ძველი კეთილი დრო (1996), როცა საქართველოში ქალთა ხელბურთი იყო და ჩემპიონიც გვყავდა — „მართვე“. ნილო ნივნივაძე (№11), ეკატერინე ყიფიაშვილი (№7)

მსოფლიოს 2005 წლის ჩემპიონატის საპლეიოფო რაუნდი

პირველი ჯგუფი					
აზერბაიჯანი	28:21	გულბარათი	ნივნივაძე	11	გოლი, ტანვასკია — 6, რუსიაევა — 5
აზერბაიჯანი	22:25	პორტუგალია	ნივნივაძე	12	რუსიაევა — 3
აზერბაიჯანი	26:17	შვეიცარია	ნივნივაძე	6	ტანვასკია — 6, გორბუნოვა — 4, რუსიაევა — 3
აზერბაიჯანი	24:24	საბერძნეთი	აბასოვა	5	ნივნივაძე — 4
აზერბაიჯანი	32:22	იტალია	გორბუნოვა	7	რუსიაევა — 7, ტანვასკია — 6
პორტუგალია	5	0	0	135:105	10
აზერბაიჯანი	3	1	1	132:109	7
ბულგარეთი	3	0	2	142:115	6
საბერძნეთი	2	1	2	124:139	5
შვეიცარია	1	0	4	118:144	2
იტალია	0	0	5	106:145	0
მეორე ჯგუფი					
პოლონეთი	5	0	0	153:119	10
გაბონი	2	2	1	149:134	6
სლოვაკეთი	2	2	2	130:127	6
ლიტვა	2	1	2	143:139	5
ისლანდია	1	1	3	129:143	3
თურქეთი	0	0	5	138:180	0

პორტუგალია და აზერბაიჯანი, პოლონეთი და მკედონია გავიდნენ პლეიოფოში

225-სანტიმეტრიანი ელგოპური

ზვიად ბაბიაშვილი აზერბაიჯანულ ოჯახში

სეზონის წინ სექვესტრირებული „დინამოდან“ ნასული კალათბურთელებიდან ყველაზე მეტად ზვიად ბაბიაშვილს გაუმართლა. იგი არც ირანში ნასულა და არც იმის იქით — აგერ, ყურის ძირში, ძლიერი გუნდიც მონახა და პირობებიც დამაკმაყოფილებელი. აზერბაიჯანული „გალა“ იმ დონის გუნდია, რომ შიდაჩემპიონატში ბადალი არ ჰყავს და ევროსარბიელზეც ანგარიშგასანეც ძალას წარმოადგენს.

თანაც ბაბიაშვილს ევროკალათბურთში ჭიმოჭრილი რომას კურტიანიტიის წვრთნის, გუნდულად კი ჭარმაგი ლიტველი ვარსკვლავ-ყოფილი კალათბურთელები ჰყავს. ასე რომ, „ბაბო“ ევროპაშია, ოღონდ აფშერონის ნახევარკუნძულზე იმყოფება. ბაბიაშვილს გუშინ ბაქოში შევეხმიანეთ და პირველ რიგში ფიბა-ევროპის თასზე მოპოვებული მნიშვნელოვანი გამარჯვება მივულოცეთ...



— „ნიკოლაევი“ სტუმრად დამარცხეთ და ფაქტობრივად ჯგუფიდან გახვედით. მოსალოცი ამბავია, თან შენ ერთ-ერთი საუკეთესო იყავი...

— თითქმის გასულები ვართ, მაგრამ არის ვარიანტი, ჩვენს ნაცვლად „ნიკოლაევი“ გაგრეს ჯგუფიდან. ამისთვის უკრაინელებმა გავსულაზე უნდა მოუვონ ლიტვის „მალაიაის“, ჩვენ კი შინ უნდა დავმარცხდეთ ბალტიისპირელებთან.

— უკრაინაში მძიმე ბრძოლა გადაიტანეთ?

— ძალიან დაძაბული და სანახაობრივი თამაში გამოვიდა, ორივე გუნდი ასქულიან ზღვარს აკვდით, თუმცა საბოლოოდ ჩვენ გავიმარჯვეთ. ეს თამაში რომ წაგვეგო, ჯგუფში ვრჩებოდით და „გალას“ ხელმძღვანელობის შორსმომავალი გეგმებიც იფუშებოდა.

— აზერბაიჯანულ გუნდს ამხელა ამბიცია აქვს?

— რა თქმა უნდა. „გალაში“ იმხელა ფულია ჩადებული და ისეთი ხალხია ჩამოყვანილი, მხოლოდ აზერბაიჯანის ჩემპიონობით სულელი თუ იქნება კმაყოფილი. როგორც იცით, „გალას“ რიგს კურტიანიტიც წვრთნის, რომელმაც ლიტვიდან 5 ლეგიონერი ჩამოიყვანა. გვეყავს ორი ამერიკელიც, აზერბაიჯანელი კი მხოლოდ სამია.

— ვსე იგი, აზერბაიჯანის ჩემპიონობა მზესუშხირის ჭამასავით იოლი ყოფილა „გალასათვის“...

— აქამდე ნადღად ასე იყო. „გალა“ ისე ხდებოდა აზერბაიჯანის ჩემპიონი, 50 ქულაზე ნაკლებით თამაშს არ იგებდა. ახლა „ნტდ-

დეკონი“ გამოჩნდა, რომელსაც გეცოდინებათ და, ნუგზარ კანდელაკი წვრთნის. ერთი და ისიც საკარგოდ კონკურენტი სწორედ ეს გუნდია ჩვენთვის. ერთხელ უკვე შევხვედით „დეკონს“ და 30 ქულით მოუგეთ, მომდევნო მატჩი კი ოთხ დეკემბერს გველის.

— მაშ, რას უმიზნებს კურტიანიტიის?

— პირველ რიგში ფიბა-ევროპის თასის ჯგუფიდან უნდა გასულიყავით და ამას თითქმის უკვე მივალწით. არ ვიცი, კონკრეტულად რა გეგმა აქვს ჩვენს ხელმძღვანელობას, მაგრამ, როგორც ამბობენ, ფიბა-ევროპის თასის ოთხ საუკეთესო გუნდში სურთ მოხედრა, საიდანაც ავტომატურად გადავლენ ფიბა-ევროლიგაში. ზომ ისედაც ლეგიონერებით ვართ საესე და კიდევ ორი ამერიკელის ჩამოყვანას აპირებენ, სხვათადად საუკეთესო ოთხეულში მოხვედრა ძალიან გავეჭირვებდა.

— კურტიანიტიის შენი თამაშით კმაყოფილია?

— სხვათა შორის, ჩემთან მას ძალიან კარგი ურთიერთობა აქვს. კურტიანიტიის ძალიან მკაცრი და მომთხოვნი მწვრთნელია, რის გამოც ხანში შესულ მოთამაშეებთან ხანდახან მცირე კონფლიქტი მოხდის. ჩემს მიმართ კი ის მეტად კეთილგანწყობილია, რადგან რასაც მეუბნება, ყველაფერს ვასრულებ.

— ზუთუელში თუ გაყენებს?

— ხან კი, ხან არა. მაგალითად, ნიკოლაევი რომ მოვიგეთ, თავიდანვე გავედი მოედანზე, ლიტვაში „მალაიაის“ წინააღმდეგ კი მხოლოდ 17 წუთი მათამაშა.

— შენ თუ ხარ შენი თავით კმაყოფილი?

— კმაყოფილი ვარ. ახლა უკვე ალლო აუღლე თამაშს, მანამდე კი ცოტა მიჭირდა... აზერბაიჯანის ჩემპიონატში თამაშს არ ვგულისხმობ, ფიბა-ევროპისა და ამხანაგურ მატჩებზე ვამბობ. „გალას“ ამ სეზონში ბარე ზუთუელ მეტი მატჩი აქვს ნათამაშები ევროპულ კლუბებთან, ვიდრე აზერბაიჯანელებთან, პოდა, მეც მიჭირდა თავიდან, რადგან ევროპულ დონეზე კარგა ხანია, აღარ მეთამაშა.

— თუ ვიჭირდა, რატომ ჩაგრიცხეს „გალაში“?

— მე ისე არ გამჭირვებია, როგორც სხვა „გალასთან“ დაწუნებულ მოთამაშეებს. კურტიანიტი-სმა ჩემში ალბათ დაინახა იმის პერსპექტივა, რომ მის გუნდს ევროსარბიელზე გამოვადგებოდი და ამიყვანა კიდევ.

— შერედა, როგორ მოახერხე ასეთი კარგი ვარიანტის გამოჩნება ასე მოკლე დროში? აგვისტოში „დინამო“ დაიშალა თუ არა, „გალაში“ აღმოჩნდი...

— ყველაფერი მართლაც უცაბედად მოხდა. აზერბაიჯანში თამაშობს ჩემი ბავშვობის მეგობარი ირაკლი გელაშვილი, რომელმაც ხმა მიამწვინა „გალას“, მათ კი ჩემი მონაცემები ინტერნეტის საშუალებით ნახეს. მერე თავად „გალადან“ დაურეკეს გელაშვილს, უთხრეს, ჩამოვიდეს შენი მეგობარი, შეგხედავთ და თუ მოგვეწონა, დაეიტოვებოთ. ჩავედი და აზერბაიჯანულ მწვრთნელებს მოვეწონე, თუმცა ჩემი გუნდში აყვანა ცოტა მოგვიანებით გადაწყდა, როცა ლიტვიდან რომას კურტიანიტიის ჩამოვიდა.

— ბაქოს როგორ შეეგუე?

— არ გამჭირვებია, რადგან აქ ქართველებს ძალიან აფასებენ და პრობლემებიც თითქმის არ შექმნება. ბაქო ძალიან ლამაზი ქალაქია, როცა თავისუფალი დრო მაქვს, დიდი სიამოვნებით ვსეირნობ.

— პირობებით კმაყოფილი იქნები...

— არაფერს უწივი, ყველაფერი მშვენიერადაა. გუნდიც ძალიან მეგობრულია. განსაკუთრებით ლიტველებთან ვახლობლობ და ერთი აზერბაიჯანელი ძმაკაციც მყავს, 225-სანტიმეტრიანი საშა.

— 225 სანტიმეტრი?

— პო, ამხელაა და მომავალ წელს ალბათ ნმა-ში დრაფტზეც აიყვანენ. საშა ბაქოელი არაა და ჩემთან ერთად ცხოვრობს. მას სპეციალური საწოლი აქვს, სხვა საყოფაცხოვრებო ნივთებიც მის ზომასზეა მორეგებული. მე ცალკე ოთახში მძინავს, რადგან მთელი სიერცე მას უკავია.

— როდემდე დარჩები ბაქოში?

— კონტრაქტი სეზონის ბოლომდე მაქვს და მერე რა იქნება, არ ვიცი.



დიქონა ლეჰავა იხემო

ხილავ ერთი ქართველი ბავრიენდ საფრანგეთში

პილავ ერთი ნიჭიერი ახალგაზრდა გაემგზავრა საფრანგეთში. საით გასწევდა, თუ არა „დიქონისკენ“. ვახტანგ ნაცვლიშვილის, ვიქტორ სანიკიძისა და ვიორგი მამაცაშვილის მხაზველმა დიქონელებმა კიდევ ერთ ჩვენთან დაადგეს თვალი — თსუ-ელი ბესო ლეჰავა გასასინჯად მიიწვიეს.

სანამ ასაკი მოემატებოდა, ბესიკ ლეჰავა საქართველოს ჭაბუკთა ნაკრების წევრი გახლდათ, ახლა კი, თუ ისეთივე წარმატებით ითამაშებს, როგორც ამ ბოლო ხანებში, ეგებ ახალგაზრდულ ნაკრებსაც გამოჰქრას ხელი. მანამდე კი მას არანაკლები გამოცდა ელის საფრანგეთში.

„დიქონში“ მოთამაშე ვიქტორ სანიკიძის დახმარებით ლეჰავა საფრანგეთში გაემგზავრა და თუ შეძლებს იმის წარმოჩენას, რაც მას რეალურად შეუძლია, დიქონელები ალბათ დაიტოვებენ კიდევ.

ლეჰავას კი მართლაც ბევრი რამ შეუძლია. მას გამართული სამიზნე აქვს და სამქულიანიებთან უხვად კვებავდა თსუ-ს, სანამ დიქონში წავიდოდა. ლეჰავა თამაშობდა იმ „აკადემიაში“, სადაც ახლა „სამარაში“ მყოფი ვიორგი ცინცაძე ამობრწყინდა. მაშინ „აკადემიაში“ ბურთის „მესაკუთრე“ სწორედ ცინცაძე გახლდათ, თორემ არანაკლებ ნიჭიერი ლეჰავა ეგებ აქამდეც წასულიყო ევროპისკენ.

NBA რეპუტარული ჩემპიონატი

29 ნოემბერი

დინამო 76:67 შარლოტი

დინამო: ბოიკონი (22), მიღერი (14), რახელი (12), მარტინი (10)

ცენტრშილი სთაფარიგო იყო

შარლოტი: ნელინი (16), პრაუნი (11), პარნეტონი (10)

ორლანდო 101:117 ბოსტონი

ორლანდო: თორქოლუ (18), კატი (14 ქულა, 12 მოხსნა), ფრენსი (14), პილი (11)


ბოსტონი: პირსი (24), ბანკსი (20), ჯეფერსონი (16), ლაფრენსი (14), დევისი (13)

კლიპერსი 94:82 კლივლენდი

კლიპერსი: ბრენდი (30), საიმონი (17 ქულა, 10 მოხსნა), იაროი (16 ქულა, 11 პასი)

კლივლენდი: ჯეიმი (22), ილგუსკისი (16), პარსი (11)

წლეულს ჯანზე მოსულმა გრანტ პილმა რიგიანად კი ითამაშა, მაგრამ მისმა „ორლანდომ“ „ბოსტონთან“ მაინც დათმო



გადარი კაბითაიის ფოტო

თათრული ღრძე თიბი იაბრმა რუსეთი ჰოჯაჯაღოვა

სანამ ჩრდილოეთის კოჩეის დარბაზებს ბოქლომები უჭანდებდა, ევროპაში კოჩეის ნამდვილი ბუმია. ვეიქრობთ, შეხსენება აღარ გჭირდებათ, თუ რასთანაა დაკავშირებული ყოველივე ეს, უბრალოდ დაძვინთ, რომ ნმლ-ში მძვინვარე ლოკაუტის გამო დღესდღეობით ევროპაში უკვე 280-ზე მეტი ოკეანგაღმედი გადმობარგდა და მათი ვაჭლენა სულ უფრო და უფრო მნიშვნელოვანი ხდება

ნმლ-ელები ბლომად მოგროვდნენ შვედეთში, ფინეთში, ჩეხეთში და სხვა ქვეყნებში. მაგრამ არ შევცდებით, თუ ვიტყვით, რომ უდიდესი ავტოტაჟი მაინც რუსეთში შეიმჩნევა, განსაკუთრებით ნოემბრის მეორე ნახევრიდან, როცა იქ რამდენიმე ექსტრა-კლასის მოთამაშე ჩავიდა. მაგალითად, ყაზანის „აკ ბარსში“ ერთბაშად ორი კანადელი — სუპერ-ფორვარდი, სტენლის თასის მფლობელი ვენსან ლეკავალიე და ბრედ რიჩარდსი აღმოჩნდა, რომლებსაც აღექსეი კოვალევი, ნიკოლაი ზაბიბულინი და დარიუს კასპარაიტისი შეუერთდნენ. ყაზანში მანამდე მოთამაშე ილია კოვალჩუკსაც თუ გავისხენებთ, იოლად დავასკვნით, რომ თათრული კლუბი ნამდვილ „დრიმ თიმად“ იქცა. ავტონომიური რუსუბლიკის მამუბის — „აკ ბარსს“ თვით თათრეთის პრეზიდენტის ადმინისტრაცია პატრონობს — ზრახვები გასაგებია. წლეულს ყაზანი დაარსების ათსაკუნოვან ოუბილეს ზეიმობს, ჰოდა, ცხადია, იქ ამ დღესასწაულის დაშვენებას ჩემპიონატის მოგებით ცდილობენ.

მელიც „ბარსებმა“ 2:3 წააგეს, კოვალჩუკმა არბიტრების მიმართ უკმაყოფილება ისე ემოციურად გამოხატა, რომ ლამის თანამსაჯე შემოელახა, შემდეგ კი ყვანჯი მთელი ძალით ბორტს მიანარცხა. ილიას გულისწყრომა გასაგებია, მას ხომ 18 თამაშში მხოლოდ ერთი გოლი გაუტანია და ეს მამინ, როცა ნმლ-ში ლამის ყოველ თამაშში რეგულარულად გამოიჩნეოდა.

ავტოტაჟის მეორე ეპიცენტრად კიბირის ომსკი იქცა, სადაც თვით იარომირ იაგრმა თავისი ნებით ისურვა ჩასვლა. თანაც ჩეხი იქ მშობლიურ კლადნოში ხანმოკლე ვაჭრების შემდეგ აღმოჩნდა. როგორც ჩანს, იაგრის ომსკში მოხვედრის ერთ-ერთი მიზეზი სოლიდური პონორარი გახდა — სავარაუდოდ ჩეხ ვარსკვლავს დღეში 10 000 დოლარს უზღიან! მართალია, ბოლო ხანებში იაგრი ისე არ ბრწყინავს, როგორც ეს მას წინა წლებში სჩვეოდა, მაგრამ თავისი კომუნიკაბელურობის და ენაწყლიანობის გამო ის მაინც უზომოდ პოპულარულია მოკლე იაგრი დღესაც იაგრია და თქვენ წარმოიდგინეთ, მისი ახალი კლუბის მოსკოვის ცსკასთან მატჩზე ორგანიზატორებს უპრეცედენტო ნაბიჯის გადადგმაც კი მოუხდათ: მათ უფასოდ დაუშვეს ტრიბუნებზე ის ასობით ქომაგი, რომელმაც ბაღეთის შოვნა ვერ მოახერხა. იაგრამაც თითქმის იგრძნო ეს განსაკუთრებული ატმოსფერო და სწორედ ამ მატჩში (ჩეხისთვის რუსეთში რიგით მეოთხე იყო) ბრწყინვალედ გაისარჯა — პეითრიტი შეასრულა, თანაც გოლები ერთი მეორეზე ლამაზი გამოუვიდა, აქედან ბოლო კი ბულოტით ვაიტანა. ცხადია, ამ მატჩის შემდეგ რუსეთის სპორტულ პრესაში იაგრის დამსახურებული დიტირამები უმღერეს, ყველაზე ლამაზად კი „სპორტ-ექსპრესმა“ დაწერა, იარომირმა თავისი ნიჭით ის მოიტანა, რაც ფულით არ განისახლდება — მან ჰოკეით ტკობის დავიწყებული გრძნობა დაგვიბრუნა.

ზემოთსენებული ვარსკვლავების ჩამოსვლამდე „აკ ბარსი“ რუსეთის ჩემპიონატში მეოთხე ადგილზე მდლიდა, მაგრამ ზედიზედ ოთხი მატჩის მოგების შემდეგ უკვე მეორეზე აღზევდა და ეს ძირითადად სწორედ ნმლ-ელების დამსახურება გახლავთ. განსაკუთრებით კოვალევი, ზაბიბულინი და ლეკავალიე გამოიჩნევიან. ამ უკანასკნელმა არა მხოლოდ თავისი უხადო ოსტატობა გამოამჟღავნა, არამედ თავი ნამდვილ მემორად წარმოაჩინა. ფეიქტად ლეკავალიეს თავის „ტამაში“ იშვიათად თუ ეძლევა თავის ასე გაძიჩინის შანსი, ვინაიდან გუნდის თავკაცი საკმაოდ მკაცრ თამაშს ქადაგებს და ვენსანს ასეთი „გალაღებისთვის“ ტაშს არ უკრავენ. აი, ყაზანში კი მოლიონერ ვარსკვლავს ვინ გაუბედვს საყვედურს, ამიტომაც ლეკავალიემ ფრთები გაშალა. მას ამ საქმეში არც ილია კოვალჩუკი ჩამორჩება. მოსკოვის „დინამოსთან“ ბოლო მატჩში, რო-

გარჯიმ გაიხსენა, როგორ გაჭირვებით დადიოდა ლილოდან ვარჯიშებზე და ღამე სახლისკენ მომავალს გზად ზოგი უჩერებდა მანქანას, ზოგი კი არა. „მამინ ვთქვი, თუ ოდესმე ავტომობილი მეყოლება, გაზში არავის დავტოვებ“ — ისეთი სევდანარევი ხმით ამოთქვა, ცრემლდამშრალ კაცსაც აატირებდა. ბერძნებთან უკაცრავად, მაგრამ ჯარჯი ზვიადაური ლილოელია.

ვაჟა ხუციშვილი

ბოდიზი ბარძნაბს ჯარჯი ზვიადაური, ლილოელი ოქროკასო

ლილო თბილისის ძალიან გარეუბანია. არაფრით გამოირჩევა, მაგრამ ბოლო რამდენიმე დღის განმავლობაში ხიბლი შეემატა. უბანში ლურჯი ფერის „ფოლცვაგენი“ გამოჩნდა, ოღონდ ეს არაჩვეულებრივი ავტომობილია, რადგან საქესთან ალალი ლილოელი ქართველი ოქროკაცი ზის. გუშინნინ სამსახურში შევეყვინდი და სახლში დამავიანდა. კახეთის გზატკეცილით დასახლების ჩასახვევამდე შედა ჩემმა მეგობარმა როგორღაც მი-

ვალნიეთ და სახლისკენ ფეხით გავეშურეთ. ცალი თვალი უკან გამიბოდა, ეგებ ვინმემ მანქანით გამოიაროს და გზა შეგვიმოკლოს-მეთქი. გვიანი იყო, დაახლოებით თერთმეტი საათი. სიბნელე ავტომობილის შუქმა გაანათა, ხელი გაუქინეთ — გააჩერა. უკან სავარძელზე მოვთავსდით და სარკეში მძღოლის სახე მეცნო — ჯარჯი ზვიადაური იყო. დამაფრიალა. მივულოცე და შინაურულად გისაუბრეთ.

ჯარჯიმ გაიხსენა, როგორ გაჭირვებით დადიოდა ლილოდან ვარჯიშებზე და ღამე სახლისკენ მომავალს გზად ზოგი უჩერებდა მანქანას, ზოგი კი არა. „მამინ ვთქვი, თუ ოდესმე ავტომობილი მეყოლება, გაზში არავის დავტოვებ“ — ისეთი სევდანარევი ხმით ამოთქვა, ცრემლდამშრალ კაცსაც აატირებდა. ბერძნებთან უკაცრავად, მაგრამ ჯარჯი ზვიადაური ლილოელია.


სივლენები პეკინზე არის ყველა ენაზე

პეკინის 2008 წლის ოლიმპიადის საორგანიზაციო კომიტეტი ოლიმპიური თამაშების ჰიმნის კონკურსს დღეიდან იწყებს. სააგენტო სინხუას ცნობით, ამ აქციის მთავარი მიზანი რაც შეიძლება მეტი კონკურსანტის მიზიდვა და ამით ჩინეთის ოლიმპიური მოძრაობის მაქსიმალურად გახმაურებაა. „კონკურსზე ნებისმიერი მუსიკალური სტილის ნამუშევარს მივიღებთ — აცხადებს ოლიმპიადის ორგანიზატორის კულტურის დეპარტამენტის შეფი ჩან შინა — მთავარია, მასში ოლიმპიური სულისკვეთება იგრძნობოდეს. ვიწვევთ ყველას, პროფე-


სიონალი კომპოზიტორებიდან უბრალოდ მუსიკის მოყვარულებამდე, როგორც ჩინეთიდან, ისე სხვა ქვეყნებიდან.“ მუსიკალური განაცხადების მიღება 2005 წლის 25 აპრილს დასრულდება, ხოლო გამარჯვებული ჰიმნი ივნისში გვეცოდინება. მუსიკალურ ნაწარმოებებს პროფესიონალ კომპოზიტორთა და მუსიკოსთა საგანგებოდ შექმნილი კოლეგია შეაფასებს. საუკეთესო ათეულში მოხვედრილი სიმღერების ავტორები კი 1200 დოლარით წახალისდებიან.

სიონალი კომპოზიტორებიდან უბრალოდ მუსიკის მოყვარულებამდე, როგორც ჩინეთიდან, ისე სხვა ქვეყნებიდან.“ მუსიკალური განაცხადების მიღება 2005 წლის 25 აპრილს დასრულდება, ხოლო გამარჯვებული ჰიმნი ივნისში გვეცოდინება. მუსიკალურ ნაწარმოებებს პროფესიონალ კომპოზიტორთა და მუსიკოსთა საგანგებოდ შექმნილი კოლეგია შეაფასებს. საუკეთესო ათეულში მოხვედრილი სიმღერების ავტორები კი 1200 დოლარით წახალისდებიან.

ოთარ გალგაკელიძე



იარომირ იაგრმა რუსეთში გავილა



შპრაინაში მიმდინარე პოლიტიკური მოვლენები აპოგეას აღწევს და რა გასაკვირია, რომ ვნებათაღელვა სპორტსმენებსაც გადაეღო.

მსოფლიო კრივის სამყაროში უცნობი-ლესი მძევი — ვიტალი და ვლადიმერ კლიჩკოები ვიქტორ იუშენკოს მხარდა-მჭერ სატელევიზიო კამპანიას აწყობენ,

ქაიბი ალიჩაოვნი! გაუპარჯოს იუზენკოს!

რომელშიც სპორტის, კინოსა და მუსიკის შეგავარსკვლავები მიიღებენ მონაწილეობას. სახელები ვნებათ? ფრანც ბეკენბაუერი, ბორის ბეკერი, სტინგი, ჯოკოერი, კრის დე ბურგი, „კრაინბერისი“, „კერი“...

„საერთაშორისო ზეწოლა აუცილებლად უნდა ვაგრძელებდეს. ამის გარეშე არაფერი გამოვა, თორემ რა ხდება: ხალხი უკვე კვირაზე მეტია, მიტინგს მართავს და თავისუფალი არჩევნების ჩატარებას ითხოვს. მათ დემოკრატია სურთ. თანადგომა სჭირდებათ“ — განაცხადა ვლადიმერ კლიჩკომ, რომელიც ამ კამპანიაში თავის უფროს ძმაზე აქტიურადაა ჩართული. საქმე ისაა, რომ ვიტალი კლიჩკო ლასკევა-სში ემზადება დიდი ბრძოლისთვის — II დეკემბერს ნიუ-იორკში WBC-ის ქამარი ბრიტანელ დენი უილიამსთან მუშტი-კრი-ვში უნდა დაიცვას.


ისე, ერთი ფეხი ალთას მქონდა, მეორე ბალთასაო, ძმებმა კლიჩკოებმა უნდა თქვან. ჯერ იუშენკოს მხარდაჭერა, მერე ბრძო-

ლა და აგერ, შენამეტი, ვიტალი კლიჩკო-ვლადიმერის პრომოუტერული კომპა-ნია „K2“ გერმანულ „საურლენდ ევე-ნსტთან“ თანამშრომლობას აფართოებს. II დეკემბრის ვიტალი კლიჩკო — დენი უი-ლიამსის ბრძოლის წინ, ნიუ იორკშივე „სა-ურლენდ ევენტსის“ ორი პერსპექტიული მოკრივეც — გერმანელები კაი კურცევი და დანილო ჰოისლერი გაიქნენ მუშტებს. ყველა ამ შეხვედრის რეპორტაჟს გერმა-ნული არხი „არდ“ გადასცემს და ბუნებ-რივია, გერმანელებისთვის (ისევე როგორც მთელი ევროპა) ეს ტრანსლაციები ორმა-გად საინტერესო იქნება.

ვლადიმერ კლიჩკო უფრო დეტალურად ხსნის: „დროდადრო სხვა პრომოუტერებთანაც ვიმუშავებთ. II დეკემბრის საღამოს ორ-განიზაციას „საურლენდთან“ ერთად ვაკე-თებთ, მაგრამ პრომოუტერი ჩვენი კომპანია „K2“ იქნება. გარანტიას გაძლევეთ, რომ ჩვე-ნი პრომოუტერები თავადვე მე და ვიტალი ვიქნებით.“

ილია ნანოაზიშვილი

ავტობიოგრაფია



დაიჭირო, ქურდები! ფერარის ბინა გაუბახას

ფორმულა 1-ში მარშან აგორებული, მერე კი მიწმთებელი და მივიწვებელი სკანდალი ახლიდან იკრებს ძალას. იტა-ლიური „ფერარის“ საჯინბომ მაშინ თავი-სი ყოფილი თანამშრომლები კონფიდენცი-ალური ინფორმაციის „ტოიოტასთვის“ მი-ყოფაში დაადანაშაულა და სასამართლო-შიც იჩილა. გამოძიება საქმეს წელ-წელა მიჰყვება, თუმც ამით მომჩივანი მხარის უკ-მაყოფილება ჯერ არ დაუმსახურებია. პირიქით, მაურო იაკონისა და ანჯელო სა-ნტინის საქმის ძიება ბრალდების დადას-ტურებისკენ მიდის.

იაკონი ფერარელობისას (1999 წლამდე) კომპანია „AEROLAB“-ში მიკრომექანიზმე-ბის წარმოებაში იხარჯებოდა, სანტინი კი „ფერარის“ აეროდინამიკის განყოფილებიდან მარშან დაითხოვეს. მალე ორივე „ტოიოტა-ში“ გაწვერიანდა. ამ ბატონებს იტალიელები „ფერარის“ კომპიუტერულ ქსელში შეძ-რომას და საიდუმლო ინფორმაციების მო-პარვას აბრალდებენ. ერთ-ერთ მტკიცებულე-ბად კი 2001 წელს გავრცელებულ, თუმც

აქამდე დაუსაბუთებელ ინფორმაციას იყე-ნებენ, რომლის თანახმადაც მავანი ექსფე-რარული სხვა გუნდებს რამდენიმე მილიონი ევროს სანაცვლოდ საიდუმლო დოკუმენტე-ბის გადაცემას ჰპირდებოდა. იტალიელები იმასაც ამბობენ, ქურდების შეთავაზება პი-რველად „იაგუარმა“ მიიღო, მაგრამ მერე თავი შეიკავო.

2003-ის ნოემბერში იაკონური გუნდის გერმანულ ბაზას კიოლნში პოლიციის სპე-ცრაზმი დაადგა და აეროდინამიკის განყო-ფილების განხრეკვის შემდეგ ტექნიკური პროექტების, კომპიუტერებისა და ინფორ-მაციებით სავსე დისკების კონფისკაცია მო-ახდინა.

ბოლო წლებში „ფერარისიდან“ „ტოიოტა-ში“ ხუთი კაცი გადავიდა სამუშაოდ და, ცხადია, თავიდან ხუთივე ექვმიტანილად ით-ვლებოდა, თუმც ძრავის ოსტატი ლუკა მა-რმორინი, ინჟინერ-მეტალურგი ფაბრიციო ფა-ბრი და ლოგისტიკის სპეციალისტი ლუიჯი ურბინელი უკვე უბრალოები არიან.

ოთარ მალააკალიძე

დალიით, გადახდილია! კიმი რაიკონენი ცოლზე გადარია

საზონთაშორის არდადეგებს 2003 წლის მსოფლიოს ვიცე-ჩემპიონი კიმი რაი-კონენი კანარის კუნძულებზე ატარებს, მა-გრამ ევროპული სააგენტოების მტკიცებით, ფინელი მრბოლის კანარულ ვიზიტს დასვე-ნებასთან საერთო არაფერი ჰქონია. ფინუ-რმა გამოცემამ „7 PAIVAA“-მ (7 დღე) ამ დღეებში მთვრალი კიმის ფოტოები გამოამ-ზურა და მკითხველს სპორტსმენის საკუ-რორტო ცხოვრებაც დაუხატა.

„აისმენად“ მონათლულ პილოტთან ერთად მოლენა კანარებზე თურმე ნებისმიერი დამს-ვენებლისთვის შესაძლებელი ყოფილა. იგი ბა-რიდან ბარში დადის და მანამდე სეამს, სანამ გონებას არ დაკარგავს. თან სიმთვრალეში ხე-ლგამილიც ხდება და ყველას ნასვამ-ნაჭამისას თავად იხდისო — ირწმუნებიან კიმის თანამემამულე ჟურნალისტები. ერთ-ერთ ბა-რში „მაკლარენის“ მესაჭე სცენაზეც ამბერა-ლა, ფრენკ სინატრას რეპერტუარის გადამამ-დერებელი რომელიღაც თანამემამულე შემსრულებლის გვერდით დამღვარა და შა-რელის გახდა დაუწყია, თუმც შუა საქმეში წაქცეულა. მომღერალს კი დამსწრე საზოგა-დოებისთვის აღტაცებულს მიუძარტავს, აქო-და, თქვენს წინაშე კიმი რაიკონენი იდგაო (ალბათ უნდოდა ეთქვა, იხდილაო). თავის ადგილზე და-ბრუნებულ კიმის ჭურჭელი უმსხრევია.

აქამდე 25 წლის ფინელი სკანდალში მხო-ლოდ ერთხელ გაეხვა. მარშან იახტიდან ნასვამი ზღვაში გადავარდა და ძლივს გა-დაარჩინეს. მერე კი ყველაფერი ძველებუ-



რად, წყნარად გაგრძელდა. ოთხი თვის წინ ცოლად ყოფილი მის სკა-ნდინავია ჯენი დალმანი მოიყვანა და მა-სთან ერთად თითქოს ტკბილი ოჯახური ცხოვრებაც დაიწყო, თუმც ბოლო დროს წყვილს ურთიერთობა აერიო, რაც ჩხუბით დასრულდა და კანარის კუნძულებზეც მხო-ლოდ კიმი გაემგზავრა. პოდა, აგერ ბოლმის სასმელში ახრჩობს.

ოთარ მალააკალიძე

ედი ჯორჯანის ჯორჯანსა და ქალბებს შიშლია

მეძალთანობისა და ვნებაშლი-ლობის გამო გერმანული „ბილინს“ მიერ ფორმულა ერთის „მთავარმეძუბედ“ წო-დებულმა ედი ჯორჯანმა თავისი სახელო-ბის საფორმულაერთო გუნდს გუშინ 70 მი-ლიონ დოლარად გაჰყიდა. შეჭირვებაში მყოფ „ჯორჯან გრან პრიში“ ამოტოლა ფულის გადახდა ფორმულა-3000-ის გუნდ „არდე-ნის“ ბოს კრისტინ პორნერს გაურისკავს. ახალი მფლობელი გუნდის „არდენ F1“-ად გადანათელას, აქამომდელი პერსონალის სრულ გადახალისებას გეგმავს და, ცხა-დია, არც ედის მიერ მომრავლებულ „სა-ჯინბოს ბოზებთან“ შეგუებას აპირებს. არა-

და, თავად 54 წლის ირლანდიელს გული ყველაზე მეტად სწორედ იმაზე სწყდება, რომ აწი თავის სამანქანე გოგომებს ვე-ლარ ჩაბურჯდნის — ეგენი ხომ შეჯიბრის საუკეთესო მონაწილეები არიანო. ასე რომ, მის მიერ აღმოჩენილსა და დიდ სპორტში ძმებ შუმახერების დარად გზადლოცილ ისეთ სახელიან „საჯინბოს კაპას“, რო-გორიც კატია პრისია, ამიერიდან ფორმუ-ლა ერთში უედიჯორდანოდ მოღვაწეობა მოუწევს. თუმცა, მისი თვითნაბადი მონა-ცემებისა და პალალი სულისკვეთების მქონე ძუს ავტოსპორტის გზებზე დაუსაქმებლად წაწვლი ნაღდად არ ემუქრება.



REUTERS აფილ აბუბოდიან

სხილი ადის აბუბოდი



დიდი ეთიოპიური ვარბენი ესეხა დასრულდა: ვაიმარჯვა აბურა დინესამ, რომელმაც ტრადიციული 10-კილომეტრიანი გზა 20 ათასი მოსიერის წინაშე უსწრაფესად გაიბინა ადის აბუბოდის ჩუჩებში. ესენი კი ვარბენის განთქმული მოსიერები არიან: დიდადი სტაიური პიილე გებრესელასიუ და გაუროს კეთილი ნების ელი, კინოვარსკვლავი დენი ვლოკერი.

ოლიმპიელთა მიღება

„ლორდის“ კრიკეტის კლუბში ლონდონის კიდევ ბრიტანეთის მთავრობამ მიღება გაუმართა თავის ოლიმპიელებს და პარათოლიმპიელებს. იქ იყო პრემიერი ტონი ბლერიც, რომელიც მართონის რეკორდსმენ პოლა რედკლიფს ესაუბრებოდა.



REUTERS ლონდონიდან

REUTERS პონკონიდან




დიდი საზაბთრო

იანვარში პონკონგში ქალთა დიდი საზაბთრო ტურნირი გაიხსნება. ქალთა პირველი ათეულის კვლევი წევრი აქაურ კორტზე გამოვა. ვიქტორი, აშელი მორესი და მარია შარაპოვა. ასე რომ, ფისაც ჩოგბურთი უყვარს, წავიდეს პონკონგში და უყუროს დებ უილიამსებს და მთელს ამ მშვენიერ ბუნდს.



ქაბულის გოლფკლუბი

ვინდოთ ვაიცინეთ და ვინდოთ ვადაინხარხარეთ: ეს ქაბულის გოლფკლუბია. ცოტათი თუ ჰგავს იმას, რასაც საერთოდ გოლფკლუბი უნდა იყოს, მაგრამ იქ უკვე დაიწყო პირველი ავღანური საგოლფე შეჯიბრი, რომელშიც ორმოცი სპორტსმენი მონაწილეობს. მთავარი პრიზიც მოლად მდიდრული ვერაა და შეჯიბრის პირველ დარტყმასაც საზეიმო კალამნიკოვური ზაღები მოჰყვება, მაგრამ მთავარია, რომ საქმე დაიწყო, თუნდაც ამ ხროვ ადვილად.



REUTERS ქაბულიდან

სარბიელი
საორტული გაზაბთი
გამოცემა 1990 წლის
28 დეკემბრიდან
გამოცემის ორგანიზაცია,
სამსახურის, ორგანიზაციის,
სამსახურის,
პარასკევის და შაბათის

გამომცემელი ზურაბ ჯორჯაძე
დირექტორი გიორგი მარტოშვილი
რედაქტორი თამაზ მიხრიაული
რედაქტორის მოადგილე სოსო კობორიძე
ტექნიკური რედაქტორი მამუკა გუბაშვილი
ქართული ფეხბურთის რედაქტორი: დავით თავართქილაძე
კობა ინასარიძე, კანა შალამბერიძე
უცხოური ფეხბურთის რედაქტორი: ვიო ახვლედიანი,
ილია ბაბუნაშვილი, ვიორჯი დარჯანი, ვიორჯი ვაშაქიძე,
ლადო ხომერიკი, ვაჟა ხუციშვილი

ინფორმაციის რედაქციის რედაქტორი: ირაკლი შირაშვილი
ინფორმაციის რედაქტორი: ვაჟა ანაბაძე, ავთანდილ გურასაშვილი, ლევან კლარაძე, ოთარ მალაქლიძე, ილია ნანობაშვილი, ირაკლი პერტაია
ფოტორეპორტორები: გურამ დოღუნჯაშვილი, ბადრი კვიციანი
სტილისტები: ნათელა გიორგიანი, ლალი გოზალიშვილი
კომპიუტერული ცენტრი: ლია ბესელია, ზათუნა ბუხუნიშვილი, ელენე გულუტაშვილი, რუსუდან ერისთავი, ფატი დელიშვილი, მაგდა დოგრაშვილი, ზვიად მოსიაშვილი, თენგიზ უფოვაძე, თამარ ქინჭლაძე, ზურაბ წერეთელი

რედაქციის მისამართი:
თბილისი, ალექსანდრე
ყაზაბეის გამზირი 42, 11
კორპუსი, IV სართული.
საზოგადოებრივი მისამართი:
თბილისი — 79, საზოგადოებრივი
სართული 208. ტელეფონი: 39 48 29
ელექტრონული ფოსტა
sarbili@gol.ge
ელექტრონული ვებგვერდი
<http://www.sarbili.com.ge>